

Informasjonssenteret Hieronimus
Boks 1752 5816 Bergen
Tlf 55560304
Web: hieronimus.org

Justis- og beredskapsdepartementet
Lovavdelingen
postboks 8005 Dep
0030 Oslo
lovavdelingen@jd.dep.no

Lonevåg 24.10.2012

Høyringsfråsegn frå Informasjonssenteret Hieronimus om «Forslag til endring av definisjonen av når en handling er begått 'offentlig' i straffeloven 1902 – ytringer mv. fremsatt på internett»

Hieronimus er imot å utvida definisjonen av «offentlig» i straffelova 1902, då dette vil innskrenka ytringsfridomen på Internett. Me er kjende med at den vedtekne, men ikkje iverksette, straffelova 2005 òg på nokre område vil innskrenka ytringsfridomen på Internett i høve til gjeldande straffelov 1902, men me er også imot paragrafane i straffelova 2005 som set grenser for ytringsfridomen.

Bakgrunnen for motstanden vår mot høyringsframlegget er m.a. at menneske med psykiske lidingar som vert utsette for overgrep i psykiatrien og som ikkje vert trudde av Fylkeslegen, Kontrollkommisjonen og/eller rettsapparatet, treng den tryggingssventilen som ligg i å koma med sterke ytringar på t.d. bloggar og sosiale medium. Det same gjeld for kvinner i valdelege parforhold som ikkje vert trudde av politi og rettsstell eller som har ein valdeleg mann som er i ein maktposisjon.

Informasjonssenteret Hieronimus er ein sjølvhjelpsorganisasjon for menneske med angst og depresjon, og kvinner i valdelege parforhold, difor er dette viktig for oss.

Å utvida definisjonen av «offentlig» i straffelova 1902, vil kunna innskrenka ytringsfridomen tilsvarande, og det er me imot. Me oppmodar om at høyringsframlegget vert forkasta.

Med venleg helsing
Arve Kirkevik,
styremedlem i Informasjonssenteret Hieronimus
www.hieronimus.org

Arve Kirkevik